

curauit ipsam suo dominio subiugare. & hoc propter uie longitudinem & dubium nauigandi. Et ab insula ista mercatores. çaintum & mançi extraxerunt multum thesaurum & continuo extrahunt Et maior pars specierum que per mundum feruntur ab ista ducuntur insula. /

/de insulis sondur. & condur

Et quando ab ista insula çaua disceditur. nauigatur inter meridiem & gherbin miliaribus septingentis/ & tunc due inueniuntur insule una quarum est maior altera uero minor una nominatur sondur reliqua condur que insule inhabitate sunt quare dimitatur de ipsis Et cum ab ipsis insulis discedendo est per syrocom per circa quingenta miliaria nauigatum inuenitur quedam prouincia que est de tera firma multum diues & magna nomine lothac cuius gentes adorant ydola. loquelam habent per se. a proprio rege reguntur. & nemini redunt tributum quoniam in tali loco sunt quod nullus potest ad ipsos accedere pro dampno aliquo inferendo. quia si illuc posset adiri. magnus can cito suo dominio ipsam prouinciam subiugaret. In ista prouincia nascitur berci domesticum in multa quantitate Aurum quidem in habundantia tanta habent quod nemo crederet quin uideret habent elephantes uenationes & aucupationes multas. & ab isto regno portantur omnes porcellane que per alia regna feruntur alia non sunt ibi dice[n]da nisi solum. | quod locus est siluester & pauci homines illuc accedunt. Et etiam quia rex non ^{61v} consentit quod illuc aliquis accedat qui eius thesaurum & condiciones cognoscat :/

adorant ydola

/De Insula pentan.

Cum vero discedendo a lochac itum est quingentis miliaribus per meridiem. inuenitur quedam insula. nomine pentan que est multum in loco siluestri. Et omnes luci insule illius arbores odoriferas producut. nunc uero hinc discedendo itur per istas duas insulas per miliaria sexaginta in quibus non inuenitur in pluribus locis aqua nisi per iiij passus est alta Et propter hoc expedit quod illac nauigantes altius leuent amplustre. nam de aqua circa quatuor passus trahunt Et cum nauigatum est istis miliaribus sexaginta uersus syrocom itur ulterius circa miliaria triginta & tunc inuenitur quedam insula que est regnum & nominatur ciuitas malauir & Insula pentan cuius gentes regem habent & loquelam per se. ciuitas quidem nobilis & magna ualde. In ea fiunt multa mercimonia omnium specierum. nam in habundantia ibi sunt. Alia non sunt ibi dicenda & ideo ulterius procedentes de parua tractabimus çaua :/

ciuitas malauir

/De Insula çaua minori :/

Quando uero discedendo ab insula pentan est per syrocom per circa centum miliaria nauigatum inuenitur Insula çaua minor. set tamen non ita parua est quod circumcirca bene per| duo milia miliarium non giret. Et ^{62r} de hac insula totam narabimus ueritatem. noueritis itaque quod in ea octo sunt

in ista insula sunt octo regna & oct[o] reges